

Infinitum esset reliqua Templâ, quæ hic & aliis in locis visuntur, describere. Infinitum, Abbatias, Cœno-
 bia, Monasteria, Xenodochia, Nosocomia, Prochodochia, & Orphanotrophia. Quid vero dicam de Ar-
 cibûs, quid de conspicuis Regum Palatiis? Quid de Magnatum & Equitum ædibus pulcherrimis? Quid de
 aliis tam publicis quam privatis ædificiis? De his ego iacere malo quam parum dicere. Status Galliarum ho-
 die Monarchicus est; locusque ibi Regiæ, quæ vetustissima divinissimaque Aristoteli censetur, Gubernationi.
 Rex nascitur, non suffragiis designatur; Sexus Masculini, volente id, ut quidam perhibent, lege Salica. Regem
 ita amant, ita colunt, venerantur Subditi, ut nihil supra. Penes eundem rerum omnium est arbitrium. Duo-
 decim-Virorum Collegium Caroli Magni est institutum. Alii ab Ovo Troiano repetunt. *Pareis les Pairs de*
France dicti, quod proxima secundum Regem & velut pari essent dignitate. His solis sacrandi Reges jus est, &
 in Regni possessionem mittendi. Horum sex vulgo *Laici*: reliqui dicuntur *Ecclesiastici*, vel *Clerici*. *Laici* sunt *Du-*
ces vel *Comites*. *Duces*: *Burgundus*, *Normannus*, *Aquitanus*. *Comites*: *Flander*, *Campanus*, *Tolosus*. *Ecclesiastici*, itidem
 vel *Duces* sunt vel *Comites*: *Duces*: *Remensis*, Archiepisc. *Landunensis* & *Lingonensis* Episc. *Comites*: *Catalannensis*,
Noviomagensis & *Belovacensis* Episc. Sunt & septem summi Senatus per Galliam, quos vulgo *Parlamenta*.
 vocant, a quibus appellare non licet: *Parisiensis*, *Tolosanus*, *Rotomagensis*, *Divionensis*, *Burdigalensis*, *Aquensis*,
Gratianopolitanus. Et ad Statum Ecclesiasticum quod attinet, Sunt in Gallia Archiepiscopatus XII, *Lugdunensis* Pri-
 mas, *Lyon*, *Aquensis*, *Aix*, *Viennensis*, *Viennæ*, *Remensis*, *Reims*, *Narbonensis*, *Narbone*, *Tolosanus*, *Tolose*, *Burdigalen-*
sis, *Bordeaux*, *Auxitanus*, *Aux*: *Bituricensis* *Bourges*, *Turonensis*, *Tours*, *Rotomagensis*, *Roven*, *Senensis*, *Sens*. *Acade-*
mia in regno Galliæ sunt hæc: *Parisiensis*, *Pictaviensis*, *Bituricensis*, *Tolosana*, *Burdigalensis*, *Nannetensis*, *Lugdunensis*, *viri*.
Aurelianensis, *Montispeffulana*, *Cadurcensis*, *Gratianopolitana*, *Valentina*, *Valence*, *Remensis*, *Andegauensis*, *Cado-*
menensis, *Nemauensis*, *Romana*, *Romans*, *Avenionensis*, *Dolana*, *Massiliensis* omnium antiquissima, ab Græcis orta.
 Ex his omnibus tanquam ex multis Equis Troianis, innumeri docti Viri, Theologi, Iurisperiti, Medici, Alii
 exierunt: Quos uno ductu enumerare si conarer, maximum mihi quidem conciliarem laborem, Lecturis ve-
 ro tedium. Nobilitas sane Gallica (quæ frequentissima est) hodie tam pertinaci diligentia, ut hoc universim
 dicam, tamque assiduo labore Meliorum Literarum Studia persequitur, adeoque in omni Disciplinarum Ar-
 tiumque genere excellit, ut nusquam terrarum magis. Videre ibi est summo loco natos illustribusque ortos
 familiis noctes diesque inhærere Chartis, & nunquam non Musarum Sacris operari. Sunt qui de quacunque
 re in medium prolata expeditissime possunt, Methodo admiranda, ex tempore & absque ulla præmeditatione
 per horas aliquot, non sine audientium stupore differere. Bibliothecæ in hoc regno variæ, cum primis Parisiis
Regia Majestatis, & *S. Victoris*, ut alias publicos & privatas præteream optimis rarissimisque cum editis, tum
 Manuscriptis refertas libris. Ad Mores venio. Gallos acutos ingenio, & ab Doctrina minime alienos esse, te-
 stantur Diodorus & Strab. Commendat illorum in bonis literis studia non uno in loco Symmachus. Marcus
 Portius Cato originum lib. I. apud Charisium Sosipatrum; *Pleraq; Gallia*, inquit, *duas res industriosissime perse-*
quitur; rem militarem & argute loqui; ne nesciamus Veteres Gallos inter alias gentes Eloquentiæ gloriam reportasse.

Ratio gubernando

Parlamenta

Academia.

Bonarum artium

studii celebres

viri.

Bibliotheca.

Mores.